

# USIM kongsi kepakaran

## halal dengan Pakistan

**P**erkongsian kepakaran dan kemahiran dalam bidang penyelenggaraan dan pemasaran daging halal menjadi pengisian utama program Latihan Pemasaran serta Pengeluaran Daging Halal, dekat sini, baru-baru ini.

Program anjuran Institut Penyelidikan dan Pengurusan Halal (IHRAM) Universiti Sains Islam Malaysia dengan kerjasama United States Agency for International Development (USAID) disertai lapan peserta yang juga pemilik perusahaan daging dari Pakistan.

Timbalan Pengarah IHRAM, Dr Mohd Nazmi Abd Manap, berkata program bertujuan memberi pemahaman dan pengetahuan berkaitan keperluan halal yang dititikberatkan Malaysia selain pendedahan pasaran industri halal tempatan.

### Gabungan pakar

Katanya, program turut mem-

babitkan gabungan kepakaran dari pihak industri, Jabatan Kemajuan Islam Malaysia (JAKIM), Universiti Putra Malaysia, Universiti Kebangsaan Malaysia serta Makmal Veterinar dan Jabatan Perkhidmatan Veterinar.

"Program turut menjemput wakil JAKIM bagi memberi taklimat mengenai prosedur pensijilan Halal di Malaysia dan menerangkan tentang pengiktirafan Badan Perakuan Antarabangsa dan audit untuk pasaran dari luar Malaysia.

"Peserta turut dibawa melawat ke beberapa tempat penyembelihan di kawasan Sepang dan Shah Alam. Mereka turut diberi pendedahan berkaitan industri perniagaan oleh Perbadanan Pembangunan Perdagangan Luar Malaysia yang disampaikan Pengarahnya, Datuk Dr Md Noor Ali," katanya.



### IPt pertama

Peserta turut diraikan dalam satu Majlis Makan Malam dihadiri Timbalan Naib Canselor (Penyelidikan dan Inovasi), Prof Datuk Dr Mustafa Mohd Hanefah dan Pengarah IHRAM, Dr Alina Abd Rahim.

Sementara itu, wakil pemerintah USAID, Mubashra Mukadas, berkata IHRAM USIM ialah institusi latihan halal Malaysia pertama dipilih USAID bagi menganjurkan program sedemikian.

Katanya, pemilihan dibuat

USAID dan World Learning Pakistan berdasarkan kepakaran dan pengalaman dalam industri produk halal untuk memberi latihan bagi tujuan membina kemahiran teknikal dan pengetahuan dalam pasaran produk halal.

PROGRAM  
TURUT  
MENJEMPUT  
WAKIL JAKIM  
BAGI MEMBERI  
TAKLIMAT  
MENGENAI  
PROSEDUR  
PENSIJILAN  
HALAL  
DI MALAYSIA"

Dr Mohd Nazmi  
Abd Manap,  
Timbalan Pengarah IHRAM